

## Madanm Ekriti - Wives Scriptures

**Efèz 5:22-24,31,33 Nou menm, medam yo, soumèt devan mari nou tankou nou soumèt devan Seyè a. 23 Paske, yon mari se chèf madanm li menm jan Kris la se chèf legliz la. Se Kris la menm ki delivre legliz la ki kò li. 24 Konsa, se pou medam yo soumèt devan mari yo menm jan legliz la soumèt devan Kris la. 31 Jan sa ekri nan Liv la: Se poutèt sa, gason an va kite papa l' ak manman l', pou l' mete tèt li ak madanm li, pou tou de fè yon sèl. 33 Men, li bon pou nou tou: se pou chak mari renmen madanm yo tankou yo renmen tèt pa yo, epitou se pou chak madanm respekte mari yo.**

**1 Korent 7:3,34 Se pou gason an fè tout devwa yon mari dwe fè anvè madanm li. Konsa tou, se pou fanm lan fè tout devwa yon madanm dwe fè anvè mari li. 34 Lè sa a, li vin gen de okipasyon. Konsa tou, yon fanm ki san mari, osinon yon jenn fi ki pa marye, sè zafè Seyè a sèlman y'ap okipe, paske yo vle mete tout kò yo, tout nanm yo apa pou li. Men, sa ki marye yo ap okipe zafè lemonn tou, paske y'ap chache fè mari yo plezi.**

**Kolòs 3:18 Nou menm medam, soumèt devan mari nou paske se konsa pou moun ki kwè nan Seyè a aji.**

**1 Timote 2:11-15 Se pou fanm yo rete san pale, avèk soumisyon, lè y'ap resevwa enstriksyon. 12 Mwen pa bay fanm yo dwa moutre pesonn anyen. Yo pa gen okenn otorite sou gason. Se pou yo rete byen trankil. 13 Paske, se Adan Bondye te kreye anvan. Se apre li te fè Ev. 14 Se pa t' Adan Satan te twonpe, se fanm lan li te twonpe, se fanm lan ki te dezobeyi lòd Bondye. 15 Men, yon fanm va delivre lè la fè pitit, si l' kenbe fèm nan konfyans li, nan renmen, nan lavi l'ap mennen apa pou Bondye a, si l' rete tou senp.**

**JenŠz 3:16 Li di fanm lan. Lè w'ap fè pitit, m'ap fè soufrans ou vin pi rèd. Wa gen pou soufri anpil lè w'ap akouche. W'ap toujou anvi mari ou. Men, se mari ou ki va chèf ou.**

**1 Pyè 3:1,2 Menm jan an tou, nou menm medam, soumèt devan mari nou. Konsa, si gen nan mari nou yo ki pa kwè nan Bondye, kondit nou kont pou fè yo kwè, san n' pa janm bezwen louvri bouch nou, 2 paske y'a wè jan nou viv byen, jan nou respekte yo.**

**Tit 2:1-5 Ou menm, se pou tou sa w'ap moutre moun dakò ak bon mesaj la. 2 Pale ak granmoun gason yo pou yo fè tout bagay ak mezi, pou yo fè respè tèt yo, pou yo kenbe tèt yo anplas, pou yo gen yon konfyans solid nan Bondye, pou yo gen renmen nan kè yo ak anpil pasyans. 3 Pale ak granmoun fanm yo tou pou yo viv tankou moun k'ap viv pou Bondye tout bon vre. Yo pa dwe nan fè tripotaj, ni nan twò renmen gwòg. Okontrè, se pou yo bay bon egzanp. 4 Konsa, lòt jenn medam yo va aprann nan men yo ki jan pou yo renmen pitit yo ak mari yo, 5 ki jan pou yo kenbe tèt yo anplas, pou yo pa nan dezòd, pou yo konn okipe kay yo byen, pou yo aji ak bon kè, pou yo soumèt devan mari yo. Konsa, moun p'ap ka pale pawòl**

**Bondye a mal.**

**PwovŠb 12:4** Yon bon madanm se yon Iwanj li ye pou mari li. Men, yon madanm ki fè mari l' wont, se tankou yon maladi k'ap manje ou nan zo.

**PwovŠb 14:1** Bon konprann yon fanm fè kay li mache byen. Men, yon fanm sòt ap kraze kay li ak pwòp men li.

**PwovŠb 19:13** Yon pitit ki san konprann se yon malè pou papa l'. Yon fanm ki toujou ap chache kont, se yon goutyè k'ap degoute dlo san rete.

**PwovŠb 21:9,19** Pito ou rete pou kont ou nan yon kwen galata pase pou ou rete nan kay ak yon fanm ki toujou ap chache kont. **19** Pito ou viv pou kont ou nan yon dezè pase pou ou viv nan kay ak yon fanm ki tout tan ap chache kont, ki tout tan ap plenyen.

**PwovŠb 25:24** Pito ou viv pou kont ou nan yon kwen galata pase pou w'ap viv nan yon kay ansanm ak yon fanm k'ap chache kont tout tan.

**PwovŠb 27:15,16** Yon fanm ki toujou ap chache kont, se tankou yon goutyè k'ap degoute lè lapli ap tonbe tout lajounen. **16** Si ou rive fè l' pe bouch li, w'a kenbe van ak men ou, w'a kenbe Iwil ak dwèt ou tou!

**PwovŠb 31:10-31** Sa pa fasil pou moun jwenn yon bon madanm. Lè li jwenn li, li gen plis valè pase yon boul lò. **11** Mari l' mete tout konfyans li nan li. Tout bagay ap mache byen lakay li. **12** Madanm lan p'ap janm aji mal ak mari l', l'ap pase tout lavi l' ap fè l' byen. **13** Li chache lenn mouton ak fil swa, li travay yo fè twal ak men l'. **14** Tankou bato k'ap pote machandiz, li al byen Iwen chache manje mete nan kay la. **15** Solèy pokò leve, li gen tan sou pye l', l'ap pare manje pou moun nan kay la. L'ap di sèvant yo sa pou yo fè. **16** Li fè lide sou yon tè, li achte l' ak lajan li fè ak men l'. Li fè jaden rezen sou li. **17** Li mare ren l', li twouse manch rad li pou l' travay. **18** Li santi zafè l' ap mache byen, li rete byen ta lannwit ap travay. **19** Li file koton, li koud rad li. **20** Li lonje men l' bay pòv. Li pran ka malere. **21** Li pa pè fredi pou moun lakay li, paske tout moun gen rad cho pou mete sou yo. **22** Li fè kouvèti lenn pou kabann yo. Tout rad li yo fèt ak twal wouj tise byen sere. **23** Mari l', se yonn nan chèf fanmi lavil la. Tout moun lavil la ap nonmen non l' an byen. **24** Madanm li fe rad pou l' vann, li fè bèl senti, li vann yo ak machann. **25** Li gen anpil kouraj, tout moun respekte l', li pa pè denmen. **26** Lè li louvri bouch li, se bon konsèy li bay. Li toujou gen bon pawòl nan bouch li. **27** Li konnen vire tounen tout moun nan kay la. Li toujou gen yon bagay l'ap fè. **28** Tout pitit li yo ap fè l' konpliman. Mari l' menm ap fè Iwanj li. **29** L'ap di: Mwen konnen anpil madanm. Men ou menm, nanpwen tankou ou! **30** Bèl fanm pa di bon madanm pou sa. Bèl figi pa la pou lontan. Men, y'a fè Iwanj yon fanm ki gen krentif pou Seyè a. **31** Ba li sa ki pou li a. Lè y'a wè sa l' fè, se pou tout moun fè Iwanj li.